



Terorismo ti estado

*Kasano a sangoen ti umili
ti Human Security Act of 2007?*

**Praymer nga insagana
ti Kawanihan iti Impormasyon
ti Partido Komunista ti Pilipinas
Hulyo 2007**

Introduksyon

Dagiti panangpadas ti rehimen nga US-Arroyo a mangbukel ti maysa a linteg a "kontra-terorismo" manipud pay 2001 ket namin-adun a nalappedan ti nadagsen ken nasaknap a panagsupyat ti umili a Pilipino. Ngem iti sango ti nabara a panangkontra, impilit ti rehimen nga Arroyo ti panagbalin a linteg daytoy. Idi Oktubre 2005, naibilang daytoy a "prayoridad", segun iti dikta ti amo nga imperyalismo nga US ken iti desperasyon ti rehimen a kumayetket iti poder.

Nabayagen nga idurduron ni US President George W. Bush nga agbalin a linteg ti Pilipinas ti maysa a linteg a "kontra-terorismo" a naihulma iti pasista a Patriot Act ti US. Kayat ti US a maaddaan ti kasilpo a ligal nga instrumento iti Pilipinas ti sangalubongan a "gerra a kontra-terorismo" daytoy. Idi Disyembre 2005, immay pay iti Pilipinas ni US Director for National Intelligence John Negroponte tapno papardasen ti panangilinteg ditoy.

Segun met iti paggustoan ti US, pinaspasan ni Arroyo ti panangbukel ti linteg a "kontra-terorismo" tapno maigiddan iti panangbukel ti Convention on Anti-Terrorism ti ASEAN iti miting daytoy idia y Cebu.

Ni Juan Ponce Enrile, pasista a ministro ti diktadura a Marcos, ti kangrunaan nga otor ti singasing a linteg "kontra-terorismo." Naawagan daytoy a "Human Security Act" (HSA) wenno "seguridad pangtao" tapno kaluban ti kinarungsot daytoy. Iti espesyal a sesyon nga impatawag ti Malacanang, naipasa daytoy ti Senado idi Pebrero 8, ken simmaruno a pinasingkedan ti Kongreso idi Pebrero 19. Agkatkatay a pinirmaan daytoy ni Arroyo idi Marso 6.

Immannugot ditoy ti mayorya kadagiti senador, mairaman ni Sen. Aquilino Pimentel, kalpasan a maiserrek ti 96 iti 98 nga amyenda na iti linteg. Mamati ni Pimentel a "naawanan ti pangil ti linteg" iti pannakaiserrek dagiti amyenda.

Ngem no ar-arigen, pakonswelo laeng dagiti amyenda. Kalkaluban laeng daytoy dagiti probisyon ti HSA a mangmangted ti nalawa a turay iti gubyerno nga Arroyo nga agiwaras ti terorismo ti estado, uray no nasaksaknap pay koma ti kayat na a maala. Maibilang ditoy ti kasla linteg militar a turay nga idetine inggana

iti tallo nga aldaw ti maysa a suspetsa a "terorista" nga awan ti maiyuli a kaso (a ti immuna a dinawat dagiti opisyal ni Arroyo ket saan a bumaba iti 39 aldaw).

Iti Senado, da laeng Sen. Consuelo "Jamby" Madrigal ken Sen. Mar Roxas ti nagbotos laban iti HSA. Nangiyuli met ti reklamo ni Madrigal iti International Parliamentarians Union ken iti United Nations Office of the High Commissioner on Human Rights (UNOHCHR) laban iti HSA. Kas sungbat, nagpahayag ti UNOHCHR a mailabsing ti HSA iti Universal Declaration of Human Rights ti United Nations ken dagiti kumbensyon daytoy, iti partikular ti International Covenant on Civil and Political Rights. Nagpahayag met ti UNOHCHR ti panagdanag iti ibunga a panangdalapus ti linteg iti karbengan-tao iti Pilipinas.

Idi Marso 12, nagpanawagan iti gubyrno nga Arroyo ken iti Kongreso ni Martin Scheinin, United Nations Special Rapporteur on the Promotion and Protection of Human Rights and Fundamental Freedoms while Countering Terrorism, nga adalen manen ti linteg ken baliwan daytoy no di man naan-anay a babawien sakbay a sumamay daytoy.

Agtultuloy ti panaglawa ti oposisyon laban iti HSA. Umapela kenni Arroyo itay Hulyo 9 ni Archbishop Angel Lagdameo, presidente ti Catholic Bishops Conference of the Philippines, nga irekonsidera ti HSA. Nangiyulin ti singasing a linteg ni Sen. Madrigal tapno ibasura ti HSA, a kunana ket kapepeggadan a linteg nga impasa ti Kongreso ti Pilipinas.

Kabayatanna, nadumaduma a grupo ti abogado ti agpang-panggep a mangiyuli ti kaso iti Korte Suprema tapno dawaten a mawaswas ti HSA. Iti sango ti nalawa a panagsupyat, nagpatangken latta ni Arroyo. Indeklara na a maipatungpal ti HSA oras a sumamay daytoy no Hulyo 15.

Anya ti Human Security Act?

TI HSA ket maysa a linteg a mangikedkeddeng kadagiti pannusa para iti inawagan daytoy a krimen ti “terorismo.” Ti HSA ti kaunaan a linteg iti Pilipinas maipapan iti “terorismo.”

Segun iti HSA, maibilang itan a “terorismo” ti nadumaduma a krimen a nailanad iti Revised Penal Code ken dadduma pay a linteg ken dikreto no dagitoy ket naiyaramid tapno “agiwaras ken agaramid ti kundisyon ti nalawa ken saan nga ordinaryo a panagdanag ken gulo iti intar ti umili tapno pwersaen ti gubyrerno a tungpalen ti maysa nga iligal a dawat.”

Maibilang kadagiti akto a kriminal a maibilang a “terorismo” segun iti depinision ti HSA ti panagpirata, rebelyon wenno insureksyon, kudeta, panagpatay, panagkidnap ken nakaro nga iligal a detensyon, panangdadael ti sanikua, panangpuor, hijacking, iligal a panangidulin kadagiti paltug ken dadduma pay.

Madusa iti saan a bumaba iti 40 tawen a pannakaikulung (kaibatogan ti tungpal biag a detensyon) nga awan ti gundaway a maikkan ti parole dagiti mahusgaan a nagbasol, bayat a dagiti kakomplot ket madusa iti 17-20 tawen a pannakaibalud.

MAYSA a dakkal a kinalangsot ti panangawag iti linteg a kontra-terorismo kas “Human Security Act” nga addaan panggep kano a “protektaan ti umili ken estado laban iti terorismo.” Kinnaagpayso na, pinakapanggep ti HSA ti lallalo a panangiwaras ti estado ti pasista a terorismo laban iti umili.

Ti HSA iti esensya ket maysa a napeklan unay a pasista a linteg. Babaen daytoy, maipataw ti saan a deklarado a linteg militar. Ik-ikkan daytoy ti nalawa a turay ti reaksyonaryo nga estado nga usaren dagiti pasista nga instrumento (militar, pulisya, dagiti korte ken kulungan) tapno agiwaras ti nakarkaro, nasaknap ken sipaparang a terorismo laban iti umili.

Anya iti esensya ti HSA?

Napalalo a pinasaklaw ti HSA ti depinision ti “terorismo” isiu nga uray ti lehitimo a panangipaduyakyak wenzo panangiyawat kadagiti demonstrasyon iti kalsada ket mabalin nga ibilang a “terorista” a krimen iti rason a dagitoy ket “agparpartuat ti di ordinaryo a panagdanag ken gulo.”

Iti batayan ti HSA, mabalin nga iparit dagiti lehitimo nga organisasyon babaen ti panangawag kadakuada a “terorista” wenzo addaan silpo wenzo tumultulong iti dadduma a “terorista.”

Prinsipal a panggep ti HSA nga usaren ti sibubukel a rungsot ti estado tapno lippiten dagiti pwersa a patriyotiko, demokratiko ken progresibo ken lipiten ti dangadang iti tay-ak a ligal ken parlamentaryo. Ti panagbalin a linteg daytoy ket paset ti agraraira a kabuklan a kontra-rebolusyonaryo a kampanya ti rehimen nga Arroyo iti uneg ti Oplan Bantay Laya II.

Iti sangalubongan a konteksto, paset met daytoy ti terorista a gerra nga iwaywayat ti imperyalismo nga US iti nadumaduma a paset ti daigdig, maibilang ti Pilipinas. Ibilbilang ti US ti Pilipinas kas "maikadua a larangan" ti sangalubongan nga "anti-terorista a gerra" daytoy.

Anyang dagiti kangrunaan a probisyon ti HSA?

NAPNO ti HSA kadagiti probisyon a direkta a mangibadbaddek kadagiti karbengan a sibil ken karbengan-tao.

Kangrunaan kadagitoy ti sumaganad:

Panagtiktik. Iti uneg ti HSA ket pinasaklaw ti karbengan ti estado a mangiyaramid ti panagtiktik wenzo surbeylans laban kadagiti organisasyon a naikategorya a “terorista” wenzo dagiti makunkuna a suspek iti “terorismo.” Ipasuli ti HSA uray ti akikid a proteksyon a nailanad iti “Anti-wiretapping Law.”

Uray dagiti masuspetsa a tumultulong wenzo sumupsuporta kadagiti suspetsado a terorista ket mabalin a siputan ti pulisya babaen ti panag-tap wenzo panagdengngeg kadagiti pribado a komunikasyon babaen kadagiti ramramit da a pangsurbeylans.

Ti panagbalin a ligal ti surbeylans kadagiti suspetsa a “teror-

ista” ken ti panagharang ken panangirekord dagiti awtoridad kadagiti tungtongan ken/wenno komunikasyon iti baet da ken dagiti kakkomplot da kano ket panaglabsing iti karbengan iti pribado a komunikasyon ti tunggal indibidwal. Nailanad daytoy a karbengan iti International Covenant on Civil and Political Rights ti United Nations ken garantiyaan uray ti Artikulo III, Seksyon 3 ti konstitusyon ti reaksyonaryo nga estado.

Awan keddeng a detensyon ken panagtiliw nga awanan mandamyento. Nailanad iti Seksyon 18 nga uray awan ti mandamyento, mabalin a tiliwen ti maysa a suspetsado a “terorista” ken iku-long iti tallo nga aldaw nga awan ti naiyulog a kaso laban kani-ana.

Segun met iti Seksyon 19, iti panawen nga adda nakalayat wenno aktwal a mapaspasamak a “terorista” nga atake, mabalin a lumabes iti tallo nga aldaw ti panangikulong segun iti pammalubos dagiti opisyal nga awanan bileg a panghuwes, kas kano kadagiti “Human Rights Commission” iti munisipyo pangato.

Dagitoy a probisyon ti HSA ket nalawag a panaglabsing iti batayan a karbengan-tao laban iti iligal a detensyon ken nabayag a detensyon nga awan nalawag a kaso. Ti panangited ti karbengan kadagiti opisyal nga awanan turay a panghuwes ket mangipalubos met ti napalalo a panagabuso dagiti opisyal ti gubyrno.

Ti agpayso, uray itatta ket saan a sursuroten dagiti pwera a pangseguridad, militar ken pulis ti estado ti aniaman a naiked-deng a bilang ti aldaw ti panangibalud iti "suspek" nga awan naidarum a kaso. Adu ti maibalud iti maysa a bulan wenno nasurok pay, ken lallalo nga umad-adu pay itatta ti saan a maiparparuar ken naan-anayen a ”nasalbeyds.” Iti napalabas a pito a tawen manipud nagtugaw ni Arroyo iti poder, dandani maysa a ribun dagiti aktbista ken dagiti sumupsuporta iti demokratiko a tignayan ti pinatay dagiti pasista a pwera ti estado.

House arrest. Segun iti Seksyon 26, uray no masuspetsa pay laeng, ken uray no awan ti nalawag nga ebidensya a nagbasol, mabalin nga imandar ti maysa a korte ti panangipauneg iti maysa a “suspek” iti “house arrest” wenno limitaan ti panagbyahe na iti uneg laeng ti maysa a syudad wenno munisipyo. Segun iti HSA,

mabalin a paritan ti korte ti kastoy a suspek nga agusar ti telepono, email, kompyuter, internet wenno anyaman a langa ti komunikasyon.

Dagitoy a probisyon ti HSA ket mailabsing iti karbengan ti nawaya a panagbyahe. Kasta met iti panangipataw ti kastoy a pannusa wenno pananglimita ti karbengan uray no awan ti nalawag nga ebidensya, lablabsingen ti HSA ti prinsipyo a ti maysa a tao ket maipagarup nga inosente inggana a di mapaneknekan iti sango ti korte nga isu ket addaan basol.

Pananglukat ken panangkontrol kadagiti deposito, *account* ken rekord iti bangko. Iti uneg ti Seksyon 27-30, dagiti elemento ti pulisya ket mapalubosan a sukisuken ken kontrolen dagiti deposito, *account* ken rekord iti bangko wenno institusyon a pinansyal ti suspek ti “terorismo” inggana iti punto a masekwester wenno maiparit ti panagusar kadagiti nasao nga *account* ken rekord.

Siasino ti mangbukel iti ahensya a mangipatungpal iti HSA?

SEGUN iti Seksyon 53-54, ti panangipatungpal ti HSA ket iwanwan ti Anti-Terrorism Council (ATC) iti uneg ti kabuklan a panangidaulo ti Executive Secretary. Maikadua a dadaulo daytoy ti kalihim ti Department of Justice. Maibilang met iti ATC ti National Security Adviser ken dagiti kalihim ti Department of Foreign Affairs, National Defense, Interior and Local Government ken Finance. Kabayatanna, umawat ti reklamo laban kadagiti pulis ken dadduma pay a nangipatungpal ti linteg ti Grievance Committee a buklen ti Ombudsman, Solicitor General ken DOJ undersecretary.

Dakkel a kalokoan a dagiti naikeddeng a myembro ti Anti-Terrorism Council ket ti agdama a mangbukbukel ti Cabinet Oversight Committee on Internal Security—dagiti mabigbig a

militarista ken namintaken a reaksyonaryo a da Executive Secretary Eduardo Ermita, Secretary of Justice Raul Gonzales ken National Security Adviser Norberto Gonzales. Isuda ti kangrunaan nga utek ti panangiwaras ti terorismo ken panangiyawat ti awanan lapped a kampanya ti pammapatay ken pananglipit kadagiti demokratiko a pwera, naanep nga oposisyon ken umili.

Babaen iti ATC, sigurado a maiyaramid a lallalo nga awanan ressat dagiti atake laban kadagiti aktibista, abogado, tao ti simbaan, kameng ti midya ken daddua pay a pwera a lumablabaan iti rehimen nga Arroyo.

Gapu ta kadagiti dara-dara nga ima da a nakasanggir ti panangipatungpal ti kontra-teror a linteg, agpangpangta ti ad-ad-da pay a pasista a pananglabsing iti karbengan-tao. Segun iti HSA, iti maysa a kumpas ti Anti-terrorism Council, ti siasinoman ket mabalina a mapabasol a “terorista” ken matrato segun kadagiti nasao a pasista a probisyon.

USAREN ti rehimen nga Arroyo ti HSA tapno partuaten wenno pasingkedaan ti klima ti buteng ken agiwaras ti buteng kangrunaan laban iti armado a

Kasano nga usaren ni Arroyo ti HSA?

rebolusyonaryo a tignayan ken ligal a demokratiko a tignayan. Kas ti naibasuran nga anti-subversion law, usaren ti rehimen nga Arroyo ti HSA tapno ibilang a krimen ti panagrebelda ken ipaidam daytoy iti umili ti karbengan a salakniban ti bagi laban iti pananglipit.

Maysa kadagiti plano nga umuna nga addang ti rehimen nga Arroyo ti panangusar iti HSA tapno ideklara a “terorista” ti Partido Komunista ti Pilipinas ken Baro a Buyot ti Umili. Daytoy nga addang ket usaren a batayan tapno awagan met a “terorista” dagiti militante, patriyotiko, demokratiko ken progresibo nga organisasyon babaen ti panangisilpo kadagistoy iti PKP ken NPA.

Iti kastoy a wagas, ti HSA ket agserserbi a naranggas a kontra-rebolusyonaryo ken pasista nga instrumento a maikumpara iti linteg militar ni Marcos. Usaren ni Arroyo daytoy tapno lappedan

ti umili ken lipiten ti tignayan masa da. Maawagan a “terorismo” ti panagtignay ken panawagan tapno agresayn wenno patakyasen ni Arroyo tapno ikalintegan ti panangburak kadagiti tignay protesta ken padasen a parmeken ti panaglawa daytoy.

Usaren met ti rehimen nga Arroyo ti HSA tapno waknitan ti dalan agturong iti panangiyabante ken panangpalusot ti Charter Change (panangbaliw ti konstitusyon).

Dagiti ipilpilit daytoy a panangbaliw iti batayan a linteg ket mangligalisa iti naranggas a pananglapped ken pananglipit iti oposisyon.

Ipalubos daytoy dagiti ad-adu pay a reaksyonaryo a probisyon a pabor kadagiti negosyante a lokal ken ganggannaet.

Masigurado a parnuayen ti HSA ti ilusyon ti istabilidad kasukat ti suporta ti ganggannaet a negosyo ken kakomplot da a dakkal a negosyo a komprador iti pagilian. Dagiti tignay protesta tapno ingato ti sweldo, reporma iti daga ken panangdependa iti patrimonya ket marebbek tapno mapakalma ti dadakkal a ganggannaet ken komprador nga agpupuonan ken maala wenno agtalinaed ti suporta da para kenni Arroyo.

Usaren met ni Arroyo ti HSA tapno ipakita ti kinatudyo na iti “gerra a kontra-terorismo” ti US tapno maala na ti basbas ti imperyalista nga amo na ken suporta daytoy iti panagtalinaed na iti poder. Namnamaen met ni Arroyo nga agtultuloy a maala na ti ayuda militar manipud iti US ken suporta para iti AFP modernization.

Kasano a mausar ti HSA laban iti tignayan masa?

USAR TI sobra a nasaklaw a depinisyon na ti “terorismo,” ti nadumaduma a langa ti lehitimo a tignay protesta ti umili ket mabalin a lipipiten segun iti HSA. Mabalin nga ibilang a “terorismo” dagiti natalna a demonstrasyon laban iti rehimen ken aglalo ti higante a tignay-masa kas ti people power—a ti nasaem ket isu met ti nangipwesto iti poder iti agdama a kagurgura a rehimen.

Dagiti welga dagiti mangmanged, laban dagiti mannalon kontra kadagiti mananggundaway nga apo't daga, boykot iti eskwelaan dagiti estudyante ken protesta ti umili maipapan iti adu nga isyu a panggimong ket mabalin nga ikategorya nga akto ti “terorismo.” Iti kasta, marebbek dagiti tignay protesta laban iti estado kadagiti pabrika, eskwelaan ken komunidad ken agparang a naipauneg iti linteg militar dagitoy a lugar. Sigurado a lallalo nga agbalin a narungsot ti pananglipit laban kadagiti aktibista nga agtigtignay iti ligal a tay-ak. Ad-adda nga umirteng ti sistematiko a panangburak kadagiti rali ken dadduma pay a tignay protesta. Umadu dagiti kaso ti ekstrahudisyal a pammapatay, panagaresto ken uray dagiti sikreto a panagdukot.

TI DARA-DARA a rekord ti rehimen nga Arroyo iti awanan ressat a pananglabsing iti karbengan-tao ket lallalo a pairtengen daytoy a linteg.

Daytoy a linteg ti agserbi a ligal a payong iti nasyunal a kampanya ti ekstrahudisyal a pammapatay ken pananglipit ti rehimen iti umili. Ligal a lisensya daytoy a linteg para kadagiti *death squad* ti gubyrno nga Arroyo a direkta nga iwanwanwan ti nangangato nga opisyal iti seguridad ken militar ti rehimen tapno paaduen dagiti ekstrahudisyal a pammapatay, panagdukot, detensyon, panagtortyrur, pananglipit ken adu pay a kinaranggas kadagiti progresibo a pwersa ken umili.

Dalapusen daytoy dagiti probisyon ti Comprehensive Agreement on Respect for Human Rights and International Humanitarian Law (CARHRIHL) ken dagiti sangalubongan a makatao a linteg, maibilang ti Universal Declaration of Human Rights ti United Nations ken dagiti kombensyon na maipapan iti karbengan-tao, kasta met ti Geneva Conventions ti 1951 maipapan iti sibilisado a kondukta ti gubat.

Direkta a labsingen daytoy ti indibidwal ken kolektibo a karbengan ti umili ken dagiti komunidad laban iti di nainkalintegan

Anya ti epekto daytoy a linteg iti kasasaad ti karbengan-tao iti pagilian?

a panagrekisa. Punasen na dagiti garantiya kadagitoy a karbengang laban iti aniaman nga ilegal nga operasyon kadagiti ahensya ti Guberno ti Republika ti Pilipinas (CARHRIHL, Part III, Art. 2, No.6). Kasta met nga ipaidam na iti umili ti karbengan iti panagrusar ti pribilehiyo ti writ of habeas corpus ken laban iti di nainkalintegan ken awanan rason a detensyon (CARHRIHL, Part III, Art. 2, No. 5).

Anya ti implikasyon ti HSA iti tungtongan iti kappia?

DAKKEL ken nadaysen a ligal a lapped ti HSA iti panagabante ti tungtongan iti kappia. Lalalo na a pabassiten, no di man aramiden nga imposible, ti posibilidad nga agtuloy pay ti tungtongan. Mainayon ti HSA iti datin a lapped a pannakibiang ti US ken panangibilang daytoy iti PKP, NPA ken kenni Prof. Jose Ma. Sison, Senior Political Consultant ti NDF, iti listaan na kadagiti “terorista.” Ti usapin maipapan ditoy a listaan ti prinsipal a lapped iti tungtongan iti kappia manipud pay idi 2004.

Oras a pormal nga ideklara a “terorista” ti rehimen nga Arroyo ti PKP, NPA ken NDF iti uneg ti HSA, amin a datin a katulagan a napasingkedan iti proseso ti tungtongan iti kappia ket mabalewala. Malaksid ditoy, ti HSA ket maikaniwas kadagiti probisyon maipapan iti karbengan-tao a nailanad iti CARHRIHL.

Sigurado a lallalo met a balewalaen ti rehimen nga Arroyo ti Joint Agreement on Safety and Immunity Guarantees (JASIG), maysa kadagiti kangrunaan a katulagan a napasingkedan iti tungtongan iti kappia ken isu't mangted-proteksyon kadagiti kagawad ti panel ti NDF ken GRP a makitungtongtong. Ti agpayso, ni Prof. Jose Ma. Sison ket immunan nga inkampanya ti rehimen nga Arroyo iti US ken Europe a maibilang iti listaan dagiti “terorista.” Usar ti HSA, sigurado a lallalo a lippiten ti rehimen nga Arroyo ni Professor Sison ken dadduma pay a negosyador ken konsultant ti NDF iti tungtongan.

Iti panagbalin a linteg ti HSA, pinaneknekan laeng ti rehimen

nga US-Arroyo a saan nga interesado daytoy iti pudno ken napaut a kappia.

ITI SANGO ti nakaro a sangalubongan a pannakaisina ti imperyalismo nga US

Anya ti maganab ti US iti HSA?

ken ti terorista a gerra ti gubyrno a Bush iti nagan ti anti-terorismo, adda naisangsangayan a pateg para iti US nga agbalin a linteg ti aso-aso a gubyrno ti Pilipinas ti HSA. Panangipakita daytoy ti suporta ti aso-aso a rehimen iti imperyalista nga amo na a nakaro a kagurgura iti intero a lubong.

Malaksid ditoy, mausar ti HSA ken ti “gerra kontra terorismo” tapno irasonan ti tuluy-tuloy a panangipakat kadagiti tropa nga Amerikano iti Pilipinas. Lallalo laeng a maikkan ti bwelo dagiti maiyar-aramid nga operasyon militar ken operasyon a paniktik ti US laban kadagiti rebolusyonaryo a pwersa iti Pilipinas.

Ti HSA ket mausar met tapno lipiten dagiti dangadang nga anti-imperyalista ken dagiti dangadang masa ken isigurado ti interes dagiti ganggannaet a monopolyo kapitalista iti Pilipinas.

Iti kasta, lallalo laeng a pasingkedan daytoy ti kinaaso-aso ti agraraira nga estado iti Pilipinas ken ti nairut a kontrol ti US iti pulitika, ekonomya, militar ken dagiti usapin a pangseguridad ti pagilian.

Kasano a labanan ti umili a Pilipino ti HSA?

AGPAMPANAWAGAN ti Partido iti amin a demokratiko a pwersa ken iti intero nga umili a Pilipino a naanep nga agtignay tapno

labanan ti Human Security Act ti 2007.

Ti dangadang tapno ibasura ti HSA ket nairut a nakasilpo iti dangadang tapno gibusan ti pasista a panagturay ti rehimen nga US-Arroyo.

1. Iyabante ti tignayan masa ken palawaen ti nagkaykaysa

a prente laban iti HSA, maibilang dagiti demokratiko nga organisasyon masa, dagiti progresibo a partido, organisasyon a mangitantandudo kadagiti wayawayaya a sibil ken karbengan-**tao**, dagiti pulitikal nga oposisyon ken amin a dadduma pay nga organisasyon, grupo ken indibidwal a mabalin a maallukoy ditoy.

2. Ibutaktak ti pasista a linaon ken panggep ti HSA. Usaren dagiti pampubliko ken dadduma pay a porum iti talakayan, masmidya, internet ken amin a posible a wagas ti panagpropaganda kadagiti eskwelaan, komunidad, pabrika ken adu pay tapno ibutaktak iti nalawa nga umili ti ited daytoy tapno malipit dagiti karbengan a sibil ken lallalo pay a panangparigat iti sangapagilian.

3. Mangiwayat ti amin a posible a porma ken managpartuat a wagas ti protesta. Kasapulan a mangiwayat kadagiti dumakdakkal a protesta iti kalsada, eskwelaan, pabrika ken dagiti komunidad tapno ipakita ti pungtot ken panagsupyat ti umili iti HSA.

4. Palawaen ti sangalubongan a panangkondena iti rehimen nga Arroyo babaen ti panangibutaktak ti nadara a rekord na iti pananglabsing iti karbengan-tao. Allukoyen ti nadumaduma nga internasyunal nga organisasyon, ahensya ken personalidad a makikaysa iti umili a Pilipino ken agpahayag ti panagsupyat iti HSA ken iti pasista a pananglipit.

Anyang ti rebolusyonaryo a sungbat iti HSA?

NAIRUT a rebbengen ti rebolusyonaryo a tignayan nga aramiden ti amin a maparbeng a wagas tapno supyaten ken labanan ti HSA ken ti panangisaknap

ti terorismo ti estado.

Kangrunaan ditoy ti panangidaulo iti umili tapno maiyabante ti nasaknap, napigsa ken naanep a panaglaban iti HSA.

Kasungbat iti panagbalin a linteg ti HSA, agtultuloy a sedseden ken pairtengen ti NPA dagiti taktikal nga opensiba iti in-

tero a pagilian. Ti tunggal taktikal nga opensiba ket agserbi a nadagsen a kontribusyon iti panangdusa iti rehimen nga Arroyo ken dagiti alipures na nga utek ken mangipatpatungpal ti kampanya ti pulitikal a pammapatay, terorismo ken adu pay a kinarangas laban iti umili.